



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

CLXII. Der Bischof Friedrich schenkt der Petri-Capelle auf der Burg Brandenburg eine jährliche Rente aus der Havelfischerei, am 30. August 1314.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

CLX. Bussò Gruelhut verzichtet auf eine Rente im Dorfe Knobloch zu Gunsten der Petri-Capelle, am 31. Jan. 1314.

Venerabili in Christo patri domino suo reverendo, domino Frederico Brandenburgensis ecclesie episcopo Bussò miles dictus Gruelhut, se ad quevis sua bene placita benevolum et paratum. Vestre dominationi quatuor choros siliginis, quos in annuis redditibus a vobis et ab ecclesia Brandenburgensi in villa Clebelock titulo pfeudali hucusque tenuimus et habuimus, liberaliter et aperte presentibus resignamus, renunciantes non vi, non metu neque aliqua coactione omni juri, quod nobis aut nostris heredibus competit aut competere possit in posterum in eisdem, cupientes etiam jam predictos quatuor choros siliginis ad capellam beati Petri in Brandenburg perpetuo pertinere, ut proinde nostrorum progenitorum animarum et nostre fratrisque nostri Johannis Gruelhut, sacerdotis, anime, cum nostre carnis debitum tempore succedente solverimus, a singulis quibuscunque sacerdotibus, ipsius capelle altare officiantibus memoria perhenniter peragatur. In cujus rei testimonium et evidentiam presentes nostras litteras, sigillo nostro sigillatas vestre reverentie duximus transmittendas. Datum Spandow V feria ante purificationem beate Marie virginis.

Nach der Copie im alten Copialbuche.

CLXI. Quittung des Procurator des Domcapitels am päpstlichen Stuhle über empfangenes Gehalt, vom 25. April 1314.

— Bernardus Renardi, archidiaconus Xanttonensis, domini pape capellanus et ipsius litterarum contradictarum auditor salutem in domini. Noveritis, quod magister Taverninus de Novaria, olim procurator prepositi, prioris et capituli ecclesie Brandenburgensis, in nostra presentia constitutus, confessus fuit et in veritate recognovit sibi et per manus Johannis Milonis, canonici ejusdem ecclesie, dantis et solventis vice et nomine dictorum prepositi, prioris et capituli plene et integre satisfactum usque in hodiernum diem de omni salario ei debito ratione procurationis officii per ipsum magistrum Taverninum Hattensem in Romana curia gesti pro preposito, priore et capitulo supradictis, de quo quidem salario sic recepto prefatus magister Taverninus se sane quitum, pacatum et contentum tenuit et vocavit —. Datum Carpentorati VII. Kal. Maji apostolica sede per obitum felicis recordationis domini Clementis pape venerabilis ad prefens prouisore vacante. Sub anno domini millesimo CCC^o, quarto decimo.

Nach dem Original.

CLXII. Der Bischof Friedrich schenkt der Petri-Capelle auf der Burg Brandenburg eine jährliche Rente aus der Havelsscherei, am 30. August 1314.

In nomine sancte et individue Trinitatis. Fridericus, dei gratia Brandenburgensis ecclesie episcopus universis tam presentis quam futuri temporis Christi fidelibus salutem in omnium salvatore. Cum brevis vita sit hominum et tempus labile, ne actiones, que fiunt ab hominibus durature,

propter oblivionem, que mater est erroris, evanescant cum tempore, ipsas expedit scripturarum memoriis perhennari. Animadvertentes itaque mente devotionis et considerantes quam pium sit et decorum templa dei depressa erigere et ea pro posse in statum pristinum reformare, ad reformandam capellam antiquam, sitam juxta majorem ecclesiam Brandenburgensem in honore sancti Petri, principis apostolorum, quondam edificatam, quam in conspectu nostro totiusque populi in contumeliam dei vidimus adeo dirutam et omnino desolatam, quod nullo Christianorum seu fidelium frequentaretur accessu nec officia ibidem divina agerentur, pudor et dolor jam pluribus defluxis temporibus nos crebrius excitabant; quapropter cum spiritualia absque temporalibus subsistere nequeant, ut minister talis capelle commodius se valeat tenere quodque ibi officia divina jugiter habeantur, redditus novem talentorum denariorum monete Brandenburgensis, quorum habere dinoscimur tria in aquis piscationum juxta oppidum Templin et sex talenta in aquis piscationum juxta opidum Pritzerwe, ad initium hujus reformationis ministerio dispensationis nobis a deo commisso de consensu ecclesie capituli, prout ejusdem capituli sigillum hic approbat, in dotem et pro dote dicte capelle tradimus, donamus et assignamus cum ea proprietate ac libertate et cum omni jure, sicut nos et reverendi patres Brandenburgenses episcopi predecessores nostri, possedimus libere perpetuis temporibus, possidenda, mittentes cum hoc dominum Johannem dictum de Mylow, nunc rectorem prefate capelle, et successores suos nomine ejusdem capelle in possessionem predictorum novem talentorum tenore presentium literarum. Testes hujus rei sunt honorabilis viri et domini: Johannes prepositus, Henricus prior, Henricus de Gardeleghe, Petrus celerarius, Johannes nove civitatis et Wolterus veteris civitatis plebani, canonici Brandenburgenses nec non honesti nostre curie milites scilicet Bruno de Eysleve, Henricus dictus Wopak, Thidericus de Waterlinghe ac plures alii fide digni ad hoc rogati specialiter et vocati. Et ut predicta inconvulsa et irrefragabiliter perpetuo permaneant, prefens privilegium predictae capelle concedimus sigillo nostro una cum sigillo ecclesie dicti capituli nostri sigillatum. Nosque Johannes, dei gratia (prepositus) totumque capitulum ecclesie Brandenburgensis sigillum ecclesie nostre in signum nostri omnium consensus ad predicta una cum sigillo reverendi patris, nostri domini Frederici, episcopi nostre ecclesie, duximus presentibus concorditer apponendum. Datum Brandenburg anno ab incarnatione domini M^o. CCC^o. XIII. III. Kal. Septembris.

Nach dem Originale.

CLXIII. Der Bischof Friedrich bestätigt die Schenkung einer Rente aus dem Dorfe Knobloch an die Petri-Capelle, am 8. Dez. 1314.

In nomine sancte et individue Trinitatis. Fridericus, dei gratia Brandenburgensis ecclesie episcopus, etc. Cum vita hominum brevis sit et tempus labile, solent, ut expedit, actiones durature, que fiunt ab hominibus in tempore, ne propter oblivionem, que mater est erroris, simul dilabantur et evanescant cum tempore, scripturarum memoriis perhennari. Ad notitiam igitur omnium, quorum nosse interest ac intererit in futurum, cupimus devenire, quod honorabilis dominus Johannes, dictus Gruelhut, Magdeburgensis ecclesie canonicus, pium et devotum circa capellam antiquam beati Petri, principis apostolorum, sitam juxta cathedralem ecclesiam Brandenburgensem, gestans affectum ad reformationem ejusdem capelle, quam vidit sicut et nos vidimus, adeo dirutam quondam